

Аллоҳга қочинг!



Аллоҳга қочинг!

11:53 / 22.02.2023 1486

Қуръони Карим банданинг Роббиси билан бўладиган алоқани юксак мақомга кўтаргандир. Аллоҳ таоло ризқ топиш масаласи ҳақида сўз юритганда:

مِنْ وَكُلُّاً مَنَا كَبَرَ فَأَمْشُوا ذَلُولًا أَلْأَرْضَ لَكُمْ جَعَلَ اللَّهُذِي هُوَ

النُّسُورُ وَإِلَيْهِ رِزْقُهِ ١٥

«У сизларга ерни бўйсундириб қўйган Зотдир. Бас, унинг турли жойларида юринг ва Унинг ризқидан енг. Ва тирилиш ҳам Унинг

саридир» (Мулк сураси, 15-оят) деб марҳамат қилган.

Яъни, ризқ топиш учун югурмай, шошилмай, юриб ҳаракат қилиш, меҳнат

қилиш баён қилинмоқда. Оятдаги **اُشْمَاف** фамшу калимасига эътибор берайлик, югуриңглар демаяпти, балки юринглар деяпти. Шу билан бирга, бир жойда ўтириш эмас, балки ҳаракат, меҳнат қилишга ишора бўляпти.

Роббимиз намоз ҳақида сўз юритганда:

الْجُمُعَةِ يَوْمٌ مِّنَ الْصَّلَاةِ نُودِي إِذَاءَ اَمَنُوا الَّذِينَ يَتَأَيَّهَا

كُنْتُمْ إِن لَّكُمْ خَيْرٌ ذَلِكُمُ الْبَيْعَ وَذَرُوا اللَّهِ ذِكْرًا إِلَى فَاسْعَوْا

١ تَعْلَمُونَ

«Эй иймон келтирғанлар! Жума кунидаги намозга чорланган пайтда Аллоҳнинг зикрига шошилинг ва савдони қўйинг. Агар билсангиз, ана шу ўзингиз учун яхшидир» (Жума сураси, 9-оят) деб марҳамат қилган.

Бу ерда энди юриш эмас, тезроқ ҳаракат қилиш, қадамни тезлатиш, ибодатга бораётганда ризққа, мол-дунё топишга боришдан кўра тезроқ одимлашга ишора бўлмоқда.

Аллоҳ субҳанаҳу ва таоло жаннатни зикр қилганда нима деб марҳамат қилди? Бу ҳақдаги оятларга эътибор берайлик:

عَرْضُهَا وَجَنَّةٌ رَّبِّكُمْ مِّنْ مَغْفِرَةٍ إِلَيْ وَسَارِعُوا

لِلْمُتَقِينَ أُعِدَّتْ وَالْأَرْضُ السَّمَوَاتُ

١٣٣

«Роббингиздан бўлган мағфиратга ва кенглиги осмонлару ерча бўлган, тақводорлар учун тайёрлаб қўйилган жаннатга шошилинг»
(Оли Имрон сураси, 133-оят).

السَّمَاءَ كَعَرْضٍ عَرَضُهَا وَجَنَّةٌ رَّبِّكُمْ مِّنْ مَغْفِرَةٍ إِلَىٰ سَابِقُوا

اللَّهُ فَضْلُ ذَلِكَ وَرُسُلِهِ بِاللَّهِ أَمْنُوا لِلَّذِينَ أُعِدَّتْ وَالْأَرْضِ

الْعَظِيمِ الْفَضْلِ ذُو وَاللَّهُ يَشَاءُ مَنْ يُؤْتِيهِ

٦١

«Роббингизнинг мағфиратига ва Аллоҳга ҳамда Унинг расуллариға иймон келтирганлар учун тайёрланган, кенглиги осмону ернинг кенглигича бўлган жаннатга мусобақалашинг. Ана ўша Аллоҳнинг фазлидир. Уни Ўзи хоҳлаган кишига беради. Аллоҳ буюк фазл эгасидир» (Ҳадид сураси, 21-оят).

Чунки бу ерда ҳаракат жаннат сари бўлмоқда, шунинг учун жаннатга бораётган одам, керак бўлса, мусобақа қилиб, шошиб бўлса ҳам ҳаракатини тезлатсин.

Энди Аллоҳ сари, Унинг ризоси сари бораётганимизда нима қилишимиз кераклигини Роббимизнинг Ўзи Каломида шундай баён қилган:

۵۰
مُبَيْنٌ نَّذِيرٌ مِّنْهُ لَكُمْ إِنِّي أَلَّهُ إِلَىٰ فَقِرُّوْأَ

«Бас, Аллоҳга қочинг. Албатта, мен сизларга Унинг тарафидан очиқ-оидин огоҳлантирувчиман» (Зориёт сураси, 50-оят).

Ха, қочишимиз керак. Роббимиз сари юриш, югуриш эмас, қочиш керак, қочиш!

Тасаввур қилинг, бир уйда ёнғин содир бўлди ёки зилзила бўлди ёхуд сел келиб, йўлида учраган нарсани оқизиб кетмоқда. Бундай пайтда нима қиласми? Қочамиз, албатта. Аммо бу қочиш бинолар остида қолиб кетмай, ёнғинда ҳалок бўлмай ёки сел оқизиб кетмасин деган қўрқув билан қочишидир.

Аммо Аллоҳ таоло сари қочиш хотиржамлик қочиши ҳисобланади. Чунки, банда фақатгина Аллоҳ таоло сари, Унинг ризоси сари қочгадагина хотиржамликка эришади. Аллоҳ таоло сари қочиш эса, У Зотнинг Ўзи буюрган намоз ва бошқа ибодатларни адо этиш ва қайтарган ишларидан қайтиш ила бўлади.

Аллоҳ таоло барчамизни Ўзи сари қочадиган, жаннати сари шошиб, мусобақа қиласидиган, намоз учун ҳаракатни тезлатадиган бандаларидан қилсин!

**Доктор Умар Абдулкофий ҳафизаҳуллоҳнинг
видеосуҳбатларидан эркин таржима.**

Нозимжон Ҳошимжон